


Bibël për fëmijët paraqet

Biri Plangprishës



Shkruar nga: Edward Hughes
Ilustruar nga: Alastair Paterson; Lazarus
Adaptuar nga: Ruth Klassen; Sarah S.
Përkthyer nga: Arianit Iljazi
Prodhuar nga: Bible for Children
www.M1914.org

BFC
PO Box 3
Winnipeg, MB R3C 2G1
Canada

©2020 Bible for Children, Inc.

E drejta e kopjimit: Mund të bëni kopje ose ta shtypni këtë histori,
nëse nuk do ta shitni.

1



Jezusi, donte me gjithë zemër
ti tregonte njerëzve për faljen e
Perëndisë. Por drejtuesit Judenj
ankoheshin për miqësinë
e Tij me mëkatarët.
Kështu, Jezusi tregoi
tre histori për të
treguar që Perëndia
është i lumtur kur
mëkatarëve u
vjen keq për
mëkatarët e
tyre.


2

Historia e parë ishte me një njeri që kishte njëqind dele. Njëra prej tyre humbi. Menjëherë bariu i la nëntëdhjetë e nëntë të tjerat dhe doli për të gjetur atë që kishte humbur.



3

Bariu kërkoj dhe kërkoj, gjersa e gjeti atë që kishte humbur. Pastaj ai e vuri mbi supet e tij dhe e çoi në shtëpi plot gëzim.



4

Jezusi shpjegoi që ka gëzim të madh në qiell, për një mëkatar që pendohet. Të pendohesh do të thotë të na vijë keq për mëkartet që bëjmë - aq shumë keq, sa të mos i përsërisim më.




5

Historia tjetër që Jezusi tregoi, ishte për një grua që kishte dhjetë monedha argjendi-mbase gjithë kursimet e jetës së saj. Një gjë e keqe ndodhi. Ajo humbi një nga monedhat e saj.



6

F'sht! F'sht! F'sht! Gruaja fshinte duke kërkuar gjithandej. Më në fund ajo e gjeti monedhën e humbur. O sa e gëzuar ishte ajo! A e gjeni dot se çfarë bëri gruaja? Po, ajo i tregoi të gjitha shoqëve të saj!



7



Përsëri Jezusi tha, "Ka gëzim në praninë e engjëjve të Perëndisë për një mëkatar që pendohet".

8

Historia e tretë që Jezusi tregoi, ishte më e trishtueshmja nga të gjitha. Fliste për një djalë që u largua nga shtëpia e babait të tij.



9

Në një vend të largët, si budalla, djali i shpenzoi të gjitha paratë që i kish dhënë babai. Çfarë do të bënte ai tani? Për ti bërë edhe më keq gjërat, një zi buke ra në atë vend. Djali mund të vdiste nga uria.



10

I dëshpëruar dhe i uritur për vdekje, djali gjeti një punë si ushqyes derrash. Por askush nuk i jepte atij për të ngrënë. Ai do hante me gjithë qejf ushqimin e derrave... Por as atë ushqim nuk e lejonin të hante. Më në fund djali erdhi në vete. "Në shtëpinë e atit tim madje edhe shërbëtorëve u del e u tepron ushqimi", mendoi ai.




11

"Do të shkoj në shtëpi dhe do ti them, 'Babi më vjen keq për mëkatet e mia. Nuk jam më i denjë të quhem ytbir. Të lutem më prano si një nga shërbëtorët e tu'".




12

Ndërsa djali ishte ende shumë larg shtëpisë, ati i tij e pa ndërsa vinte. Me gëzim, babai vrapoi tek i biri që po kthehej. Ai e puthi çunin, dhe e përqafoi fort, fort, fort.



13

"Babi unë kam mëkatuar. Unë nuk jam i denjë të jem biri yt". Djali, ishte gati ti kërkonte babait ta merrte në punë si një nga shërbëtorët e tij. Por babai as nuk e la të flasë. "Sillni rroben më të mirë, sandale dhe një unazë për timbir; dhe përgatisni një festë të madhe".



14

Dhe bënë një festë të mrekullueshme ... sepse djali që kishte humbur u gjet. Jezusi e tregoi

këtë histori ngaqë na tregon sesa shumë i do Perëndia mëkatarët dhe sa shumë dëshiron që të pendohen dhe të vijnë tek Ai.



15

Biri Plangprishës

Një tregim nga Fjala e Perëndisë, Bibla

e marrë nga

Llukes 15

"Zbulimi i fjalëve të tua ndriçon dhe u jep mendje njerëzve të thjeshtë."
Psalmet 119:130

16

Fund

45



60

17

Ky tregim nga Bibla na tregon për Perëndinë tonë të mrekullueshëm i cili na krijoi dhe dëshiron që ne ta njohim Atë.

Perëndia e di që ne kemi bërë gjëra të këqija, të cilat Ai i quan mëkate. Dënimi për mëkatin është vdekja, por Perëndia ju do juve aq shumë sa që dërgoi Birin e Tij të vetëm, Jezusin, që të vdesë në Kryq dhe të dënohet për mëkatet tuaja. Pastaj Jezusi u ringjall dhe u ngrit lart në Qiell! Nëse beson në Jezusin dhe i kërkon Atij të t'i falë mëkatet e tua, Ai do ta bëj atë! Ai do të vijë dhe do të jetojë në ty, dhe ti do të jetosh me Të përgjithmonë.

Nëse ti beson se kjo është e vërteta, drejtoju Perëndisë kështu: Jezus i dashur, unë besoj se Ti je Perëndia i bërë njeri për të vdekur për mëkatet e mia, dhe që Ti u ngjalle sërish. Të lutem, eja në jetën time dhe fali mëkatet e mia, në mënyrë që unë të kem jetë të re dhe një ditë të jem me Ty, përgjithmonë. Më ndihmo, të të bindem dhe jetoj për Ty, si fëmija Yt. Amen.

Lexo Biblën dhe bisedo me Perëndinë çdo ditë! Gjoni 3:16

18